

STUDENT INVESTMENT ACCOUNT: An Salem-Keizer Mönapen Porausen Ömwökütün 2020-2021

Kókkót #1: Ännea pwuk ngeni mwichen nimwu non 8 ekkewe sukuun mei angei ekkewe aninis ika prokram

Salem-Keizer epwe ekitekit ngeni än mwichen nimwu ännea faniten nöuch kei chon sukuun rese kon nipwaköch non ännea ussun ekkewe ekkoch chon sukuun non ekkewe ekkoch sukunen enementeri non ei state. Ruwe me nimwu percent me non nöuch kewe chon sukuun ar käeö a äeö non fóósun Spanish, me sia mefi pwe a men ëuhea ach sipwe ngeni ekkena chon sukuun wonu ier non elementary ar repwe käeö ännea me mak non Ingenes non chok ena atun irr mei pwan käeö fóósun Spanish.

Meinisin ekkewe sukuunen elementary repwe angei:

- Nesenin reading ika annea mei fokkun öch ngeni osukuun ngeni ekkewe chon sukuun iir mei weires non ännea

Wanu (8) ekkewe targeted elementary school repwe angei:

- Chon osukuun repwe full time repwe osukuna ekkewe sense
- Behavior specialists repwe full time ar repwe anisi ekkewe chon sukuun non pekin sórosór
- Sópwosópwun sense iir mei license ar repwe osukuun, me ika fen ekisatiw chóchón non ekkewe class ren k-1 atun ännea pwuk
- Emon chon osukuuna ännea me mak seni ewe kinikin a fin an epwe anapano an ekkewe sense sine me osukuuna ännea non fóósun Spanish me Ingenes, epwe poputa me nepoputan.

Ewe Coordinator ren Elementary Curriculum me Instruction epwe wisen akkatona me tumwunu ifa ussun fetanin me ochunon an ekkewe 8 sukuun sine non annea.

Kókkót #2: Ekkewe mwichen tiu non ruu (2) ekkewe sukuun iir mei angei ekkewe aninis iir mei achocho

Salem-Keizer epwe ekita an ekkewe chon sukuun non ekkewe ruu (2) targeted school ren ekkewe freshman ar repwe sópwöch non Algebra 1. Ei class Algebra 1, iei ei class non ekkewe high school chommong chon sukuun iir mei angangaw non me mei forata ar resapw sochungio non atun ar sochungio non ruwanu ier.

Ruu (2) ekkewe targeted high school repwe angei:

- Sópwosópwun sense ekkewe mei license ar repwe anisi sense ne osukuun me ika fen ekisatiw chóchón chon sukuun non ekkewe classin Algebra 1.
- Emon mi nipwaköch non math a fin an epwe anisi ekkewe iir mei osukuuna math me non ekkewe sukuun an epwe aitir anen ar repwe anapano ar sine non ar we angang, nengöchu ekkewe mak, finata mi öch me mwökütükütün ew kumi.

Ewe Coordinator non ewe Multi-tiered Systems of Support (MTSS) epwe wisen nemeni ika wisen mesemes won fefeitán ika öchunón me fetanöchun osukuun non ekkewe class, prokram ngeni ekkewe chon sukuun iir mei weires non ar sine, me chuffengen ika mwiich an kumi ren ar repwe nengenöchu porausen fetanin ewe chon sukuun.

Kókkót #3: Käeö Fóósun Ingenes

Ewe kinikin Salem-Keizer a afota won an ekkewe chon sukuun seni ekkewe ekkoch oreni repwe käeö fóósun Ingenes pwun pwoiner ar repwe sochungio epwe chok taitap ngeni an ekkewe chon sukuun ar fóós fóósun Ingenes. Ekkewe chon sukuun iir mei käeö Ingenes, nge iir mei chok sópwsópwonó ar käeö non Ingenes non ar high school iir chokukunun me nein ekkewe repwe sochungio me nein ekkewe kinikin chon sukuun.

Wanu (8) ekkewe targeted elementary school repwe angei:

- Chon osukuun repwe full time repwe osukuuna sense.
- Behavior specialists repwe full time repwe awora aninis ngeni ekkewe semirit non pekin sórosór.
- Emon sense non ruu fóósun fönu seni ewe kinikin a fin pwe epwe awora käeö ngeni sense me osukuuna ussun än emon chon sukuun käeö ngeni pwan ew fóósun fönu non ekkewe class mi osukuuna ruu fóósun fönu.
- Emon chon osukuun non fóósun Ingenes seni ewe kinikin a fin an epwe awora sukuun ngeni chon angang me osukuuna ESOL non class.

Ekkewe middle school me high school iir mei awora ekkewe prokramin kaeo Ingenes ngeni chon sukuun repwe angei:

- Sópwsópwon sense iir mei license ar repwe aninis ne osukuun ika äeä anen osukuuna Ingenes ngeni ekkewe chon sukuun iir mei käeö Ingenes non middle school.
- Sópwsópwon sense iir mei license ar repwe aninis ne osukuun ika äeä anen osukuuna Ingenes ngeni ekkewe chon sukuun non high school iir mei nomw non ewe Newcomer prokram.

Chon Kait seni ewe Kinikin faniten ewe programin käeö fóós ewe mei nóng won met iir mei angei seni research, repwe trainini ika aiti ekkewe sense me anisi an ekkewe sukuunen elementary mei wor programin EL ar repwe äeä ei prokram (language acquisition).

Ewe Language Acquisition Coordinator and Program Associate repwe tumwunu mwökütükütün öchunon me fetanin me non ESOL, non ekkewe class iir mei osukuuna ruu fóósun fönu me transitional biliteracy non ekkei sukuun.

Kókkót #4: Dual Language Leadership Team

Salem-Keizer epwe ekita an epwe anapano ekkewe classin ruu fóósun fönu pwe epwe ew anen käeö ngeni ekkewe chon sukuun iir mei käeö Ingenes.

Masowen ewe Dual Language Leadership Planning Team:

- Dual language coordinator epwe emecheresi kókkótun angangan, wauu me tumwunu wattenon ekkewe prokram ren ruu sakkun fóósun fönu non unusen ewe kinikin.
- Dual language program associates (elementary me secondary) epwe aota me emweni ew sukuun ngeni sense, soufön, me meinapen sukuun.
- **Kókkót #5: Nesenin Math ngeni Middle school non ruu (2) ekkewe sukuun mei angei ekkewe aninis**

Ewe kinikin Salem-Keizer a kon afota won math faniten ekkewe chon sukuun rese sine non math non mwichen 6,7, ika 8 rese tongeni sochungio atun ar sochungio non ar high school.

Meinisin ekkewe middle school repwe angei:

- Anapano kunokun osukuun non math ren an siwin ewe schedule ngeni 6 period non ew ran
- Programin käeö angangen nengeni chon sukuun mei kawor seni online mei fiti ekkewe poraus an epwe awora ngenir ekkewe aninis mei fich ngenir

Ekkewe Pilot middle schools (ekkewe sukuun iir mei nomw won sôtuni och mettoch) repwe angei:

- Nesenin math me an sense ika chon angang käeö

Ruu (2) ekkewe targeted middle schools repwe angei:

- Sópwosópwun sense repwe aninis ne osukuun me ika ökükünatiw ükükün ewe classin math
- Emon mi angöch non math seni ewe kinikin epwe awora käeö ngeni sense, awora fansoun katon ekkewe nesen me wanong memef faniter, sukuun mei föruno me anen osukuun mei öch.

Kókkót #6: Aninis faniten ekkewe chon sukuun mei osukosuk non ar ekiek me sórosór

Salem-Keizer a ekita an epwe awatteno aninis fan iten ekkewe chon sukuun mei osukosuk ar ekiek me sórosóruur. Nouch kewe chon sukuun ra repotei pwe rese mefi pwe iir chon non ach kewe sukuun, äkkäewin ekkewe mei chóchón önuwer rese kuna är repwe pwano me non ach kewe mwiih. Anapano osukosuken nónómwun chon sukuun mei tongeni osukosuka non ewe classroom, iei ese mwo naf ach aninis ngeni osupwangen emon me emon ekkewe chon sukuun.

Meininis ekkewe sukuun repwe angei:

- Käeö ussun memef ika tiip non class (regular classroom).
- Fiti käeö än sense me angangen osukuun seni ewe Positive Behavior Internvention Supports (PBIS) program mi awenewen ngeni elementary ika secondary level
- Käeö non ew class a fen kókkókótonó (ENVoy) me osukuun an epwe awora angangen katon me memef epwe katonong an epwe öchuweno met ewe class iir mei föfföri
- Sópwosópwun nöur social workers
- Sópwosópwun nöun school psychologists
- Anapano angang fengen non pekin ekiek me ekkewe agencies ren Polk County Mental Health ika Trillium Services ar repwe awora aninis ren met epwe echikara ekiek ngeni ekkewe chon sukuun me non ekkewe sukuun

Ekkewe sukuunen elementary repwe angei:

- Ekkewe chon angang ika sense iir mei watte tufich non ar käeö ar repwe wisen awora osukuun ren ewe social Emotional Learning (SEL) ar repwe awora sukuun ngeni sense me anisieta katoun ewe nesen SEL non kewe elementary

Ekkewe sukuunen middle repwe angei:

- Sópwosópwun sense iir mei license me counselor non ekkewe sukuun mei angei ekkewe aninis
- Sópwosópwun chon angang ngeni nikinik me non ekkewe sukuun mei angei aninis ika wor ekkewe program ie
- Ekkewe chon angang mei watte ar käeö repwe tumwunu ewe Zones of Regulation an epwe awora nenien asësë ika ngaseta ngeni ekkewe chon sukuun iir mei kan mefi nuokus, ika repwe angei pekin fön.

Ekkewe sukuunen high school repwe angei:

- Classified sense ika chon angang ar repwe anisi ekkewe counselor ren kókkótun ekkesiwinin masowen ekkewe schedule me nöun chon sukuun kewe taropwen sukuun
- Awatenoi ewe etipe-ew nefiner ngeni Bridgeway Recovery faniten angangen fön ika poraus ngeni chon sukuun faniten drugs me sakaw
- Ekkewe sense mei watte ar käeö ar repwe wisen tumwunu ika nemeni ewe Safe Space an epwe awora ew nenien ngaseta ika asösö ngeni ekkewe chon sukuun iir mei mei nuokus, ika aninis mei atapwan

Ewe sukuun epwe sóssót ne osukuun ussun osukosuken non manaw: Ew middle school epwe sóssót me afota an ekiek won ekkei ruu mettoch osukosuken non manaw me ifa ussun ar repwe weweiti me anisi. Epwe fokkun chómmóng chon anganga ika ömwökütü ei aan ika föfför, pwan ikkeiir ekkei repwe pwan anganga :

Assistant Principal
 Classroom Management (ENVoY) Coach
 Counselor
 Community School Outreach Coordinator
 Community Resource Specialist
 Social Worker

Classified clerical staff an epwe tumwunu angangen ioien poraus faniten ewe Panorama me dashboard system.

Socio-Emotional Learning Coordinator and Program Associate epwe wisen mesemes won fefeitan ika öchunon me fetänin ekkewe aninis ren pekin sórosór me memef ngeni chon sukuun.

Kókkót #7: Ekkewe mwökütüküt me aninis än ewe kinikin

Salem-Keizer a ekita ngeni an epwe wor angang fengen me sinei ekkewe chon sukuun me ar kewe famini mei feito seni ekkewe sakkopaten öreni meinisin non ewe kinikin pwe repwe tongeni sinei epwe ifa ussun ar repwe fori än ewe sukuun epwe ew neni mi öch ngeni emon me emon chon sukuun ar repwe käeö me sópwöch

Ekkewe aninis mei kawor an epwe anisi osupwangen nouch kewe chon sukuun mei pachonong ekkei:

- **Community Resource Specialists** an epwe anisi ekkewe chon sukuun iir African American ika ekkewe mei chochon unucher, me ekkewe chon sukuun iir Hispanic/Latin/Latina, ekkewe chon sukuun iir mei fich ngeni Sukuunen mei Ter, me ekkewe chon sukuun seni ekkewe fonuwen non Pasifik.
- **Cultural Resource Specialist** an epwe anisi ekkewe chon sukuun iir Winipwosun Merika. Ei cultural resource specialist epwe nomw non ewe ofesin Indian Education me epwe anisi ekkewe sukuun an sense ika chon angangt me anisi oren ngeni ekkewe chon sukuun non unusen ewe kinikin.

McKinney Vento Advocates epwe aninis ekkewe chon sukuun iir mei nomw non ewe pekin tumwun me ekkewe chon sukuun me famini iir mei osupwangen imwer ika ese wor imwer.

- **Community School Outreach Coordinators (CSOC)** epwe fin ika katonong seni ekkewe sukuun iir Title 1 non ewe kinikin an epwe suki anen mwicheich faniten ewe mwichen aramas me akkota an sam me iin repwe fiti an epwe anapano nukunuk me nefin mi och ngeni ekkewe famini
- **Anapano Aninis non pekin Chiaku non taropwe me fóós** ngeni ekkewe chon sukuun me ar kewe famini ar fóós fóósun Chuuk, Masan, Russia, me Spanish. Epwe pwan kamo ekkewe pisekin chiaku non fóós mei fokkun och. Anisi an epwe pwan kawor chommong chon angang non ewe Language Services office, epwe pwan kawor aninis ren sópwosópwun aninis faniten ewe seketeri.
- **Public Engagement Specialist** epwe anapano an epwe chok ssópwosópw an epwe wor poporaus fengen nefinen ekkewe famini me sukuun won ekkewe poraus mei ëuche. Ei angang epwe önükünükü pwe ekkewe poraus epwe tourukai ngeni ekkewe famini, mecheres ngenir me epwe kawor non ar we fóósun fönu.
- **Strategic Partnership and Engagement Coordinator** epwe nemeni ika tumwunu öchunon me fetanin förün ewe angang fengen an ewe mwichen aramas faniten osukosuken non ekiek, ekkewe program mi awora tumwun ngeni semirit mwurin sukuun, me pwan ekkoch mwökütüküt mei affat me fis non ei kinikin.

Kókkót #8: Än sense Käeö-ar repwe öchuwenói ar kewe sine

Salem-Keizer a kon afota an epwe wor an sense käeö ar repwe anapano ar sine pwun ina met epwe pwan anapanoi än nöuch kewe chon sukuun sine. Ika ekkewe sense me chon angang ra öchuno, nöuch kewe chon sukuun repwe pwan angöchuno me sópwöch.

- **Wisen ewe Professional Development Coordinator** epwe wisen ömwökütü an epwe öchuno me fetan förün ei prokram me non ekkewe käeö än chon angang mei uwonukunuk mei pachonong met kewe a kon ëuchea me non ewe Multi-tiered systems of Support (MTSS), osukuun non mak me ännea me math, käeö fóósun English, me aninis non pekin memef me sórosór ika nikinik.

Kókkót #9: Urumwot

Salem-Keizer a afota an ekiek än ekkewe urumwot mei fis nukun sukuun repwe kanapono faniten chon sukuun ren an chon sukuun repwe pachonong me anapano ar chiechi ngeni tapeter kewe. Än ekkewe chon sukuun fiti ekkewe urumwot mei tongeni epwe awatenoi ar mefi pwe iir chon non ewe sukuun.

Ikkei anen an epwe kanapono ekkewe urumwot nukun sukuun ngeni chon sukuun:

- Ekkewe programs an elementary epwe suuk ngeni ekkewe chon sukuun murin sukuun ren ekkewe sukuun mei wor ekkewe prokram ia
- Ekkewe program an middle school epwe suuk ngeni ekkewe chon sukuun mwurin sukuun ikeweie ekkewe sukuun mei wor ekkewe prokram ia
- Ekkewe summer program epwe kawateno ngeni ekkewe chon sukuun non ewe Indian Education program
- Ökükünatiw mön ika niwinin chon fiti ekkewe urumwot non high school, mwökütüküt, ika club
- Nenien awora ekkewe pisekin niketik, me unifom faniten ewe program ren music me kachito

Kókkót #10: Nönnöpök, Sakkopat me Pachonong

Faniten a wor 81 fóós chommong nouch kewe chon sukuun ra eäni fiti fengen me chommong ar öreni me nuku, iei minne Salem-Keizer a pwan afota an eieki won ei kókkót ren nönnöpök, sakkopat, me pachonong. Sia nuku pwe ekkewe chon sukuun repwe kunökun menimwuk ussun chok önuwer me non ekkewe sukuun me nöuch kewe sense me chon angang repwe pwan käeö sakkopaten örenien ekkewe chon sukuun me ar nuku.

Ikkei anen an epwe wor nönnöpök, sakkopat me pachonong:

- Käeö faniten epwe wattenno sine non osukuun non ekkewe ekkoch oreni, äeä sefani ekkewe angangen emmiri, me anönnöpöku me osufönu meinisin
- Ekkewe nesen epwe ekkesiwin ika kawor mei minafö an epwe öch ngeni ekkewe sakkopaten öreni
- Soufön ngeni ekkewe minafön sense non ekkewe classin sukuunen mei ter
- Sopwei chon aninis non pekin katonong chon angang, käeö an epwe öchuweno angangen katonong me anamwur chok non ewe angang ngeni ekkewe chon angang seni ekkewe sakkopaten öreni.

Kókkót #11: Aninis epwe chok sópwsópwonó

Salem-Keizer epwe ekita ngeni an epwe kanapono ekkewe aninis epwe chok sópwsópwonó ngeni ekkewe chon sukuun iir mei osun aninis non sakkopaten käeö. Mei pachonong an epwe chok sópwsópw aninis non sukuun ngeni chon sukuun me pwan aninis non nikinik epwe chok pwan sópwsópwonó.

Anen ach sipwe tongeni anisi ekkena osupwang än chon sukuun:

- Sópwei sensen non ewe Learning Resources Center an epwe okukkunatiw angang
- Sópwei chon anganga ekkewe prokram mi for faniten chon sukuun non ewe sukuunen mei ter
- GoalBook software epwe ew aan ngeni sense ar repwe ochuweno an chon sukuun IEP me kókkótun ar osukuun
- Sópwei chon angangen non ekkewe Interim Therapeutic Care Classrooms non ekkewe ruu minafon sukuunen elementary an epwe awora ekkewe aninis mi fin faniten ekkewe chon sukuun irr mei osun aninis non pekin nikinik ika sórosór
- Epwe kanapono ewe Behavior Intervention Classroom on ewe ew e keran pachonong. Katonongen chon angang epwe ekkewe sense iir mei license me watte ar kaeo me social worker ar repwe awora ngeni ekkewe chon sukuun iir mei tou me tonong non imwer ekkewe aninis mei awenewen ngenir.